

Na osnovu člana 48. stav (5) Zakona o državnoj službi u Tuzlanskom kantonu („Službene novine TK“, broj: 7/17, 10/17, 10/18 i 14/18), člana 34. Zakona o radu („Sl. novine FBiH“, broj: 26/16 i 89/18) nakon provedenog postupka za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle po Odluci o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-30-A-6349-2020 od 05.06.2020. godine, a u skladu Izvještajem o radu Komisije za provođenje Javnog poziva od 17.07.2020. godine, te utvrđenom Konačnom rang listom kandidata koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, Gradonačelnik donosi

ODLUKU

o prijemu lica na stručno osposobljavanje bez zasnivanja radnog odnosa u službe za upravu i stručne službe Grada Tuzle

Član 1

Ovom odlukom, a na osnovu kriterija i procedura prijema lica na stručno osposobljavanje bez zasnivanja radnog odnosa utvrđenih i propisanih Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-30-A-6349-2020 od 05.06.2020. godine, prima se na stručno osposobljavanje bez zasnivanja radnog odnosa u službe za upravu i stručne službe Grada Tuzle 12 (dvanaest) kandidata koji se nalaze na Konačnoj rang-listi kandidata koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle i to kako slijedi:

Lica sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova - pravne ili upravne struke :

1. Ibrišimović Stefan,
2. Avdić Mirza,
3. Bijelić Eldin,
4. Volavka Danira,
5. Sadiković Tarik,
6. Mrkonjić Negra,
7. Lemezović Azra.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – ekonomske struke :

1. Čeliković Eldina.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – geodetske struke :

1. Imamović Benjamin.

Lica sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova

– geološke struke :

1. Hodžić Sanela,
2. Bubić Alma,
3. Suljagić Mirela.

Član 2

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju najduže do 12 (dvanaest) mjeseci.

Ukoliko se utvrdi da primljeni kandidat bude imao, odnosno stekao radno iskustvo kod drugih pravnih subjekata, a kraće od 12 (dvanaest) mjeseci ugovor o stručnom osposobljavanju bez zasnivanja radnog odnosa će biti zaključen na period koji nedostaje do navršavanja 12 (dvanaest) mjeseci radnog iskustva kandidata. U tom slučaju primljeni kandidat dužan je prije zaključivanja Ugovora dostaviti dokaz o dužini trajanja prethodno stečenog radnog iskustva nakon sticanja diplome visokog obrazovanja - VII stepena stručne spreme, odnosno namjanje I ciklusa studija po Bolonjskom sistemu studiranja.

Član 3

Međusobna prava i obaveze između Grada Tuzle i lica na stručnom osposobljavanju bez zasnivanja radnog odnosa regulisat će se posebnim ugovorom o stručnom osposobljavanju u skladu sa odredbama Zakona o radu („Sl. novine FBiH“, broj: 26/16 i 89/18).

Član 4

Primljeni kandidat dužan je u roku od dva dana od dana objavljivanja ove odluke na oglasnoj tabli Grada Tuzle i na službenoj web stranici Grada Tuzle obavijestiti Stručnu službu za poslove gradonačelnika (elektronskom poštom na: majah@tuzla.ba, grgam@tuzla.ba i/ili putem telefona na broj: 035/307- 417, 035/307- 416) da će pristupiti potpisivanju Ugovora, u protivnom smatrat će se da odustaje od potpisivanja Ugovora.

Član 5

Odluka stupa na snagu danom donošenja i bit će objavljena na oglasnoj tabli Grada Tuzle i na službenoj web stranici Grada Tuzle.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK
Broj: 02/30-A-6349/3-2020
Tuzla, 24.07.2020. godine



GRADONAČELNIK

Jasmin Imamović, dipl. pravnik